

梅嶼

北風吹雪古雲寒嶺上梅花此際看三百樹頭飛片片一時回
舞到林端

馬蹄月

馬蹄月馬蹄月人事奔波勞碌碌不識紅塵苦豈識清虛樂
清虛樂蒲團打坐焚香一炷彈琴一曲

黃山題石

天外風吹鶴池中水見龍我今長嘯去三十六雲峯

石生泉

鑿石得清泉泉流仍洗石戴笠出山來一笑空煙碧

道藏輯要

三丰全集 古今詩類

十

續畢集九

川日 8

天亭山

亭亭天亭峯跨鶴上崖去空山靜無人獨與雲相遇

自題畫像

風日清於酒水雲淡若詩乾坤壺裏坐這箇老仙師

四言

性田無翳心地自明雨餘山色厯厯空清

再過臺城

再訪臺城路重搖兩漿游鴉啼疎柳岸蟬噪六朝秋曲水環京
口奇峯抱石頭青鞋無皂帽笑眼對輕鷗

游戲吟

游戲紅塵下翠微
神仙事業只慈悲
平心什物原非有
信手成詩不用推
龍氣遠舒雲片片
鶴聲高詠塚巖巖
願人共悟長生理
天海飛吟樂唱隨

題圓通綽綽山房

有餘退步留遐福
無事抽身乃達人
淡雨微雲風蕩漾
鶯花天氣正青春

又

花到二分逾秀勁
月當十四已團圓
及時兩字人能會
便得逍遙快樂天

道藏輯要

三丰全集

古今詩類

十一

續畢集九